



**Minneapolis Lub Tuam Tsev Hauj Lwm
Ntsig Txog Tub Ceev Xwm
Phau Ntawv Qhia Siv Txoj Cai thiab Txheej
Txheem**

Nab Npawb:
7-800

Xuv Xya – Cov Kev Ua Hauj Lwm Sab Nrauv

Kev Pab Fab Kev Tawm Tswv Yim

7-805 Kev Tswj Qhov Muaj Neeg Coob

(01/05/23)

Kev hloov kho cov cai ua ntej: (04/20/01) (08/17/07) (06/16/20) (08/21/20) (09/08/20)
(10/31/20) (03/12/21) (01/01/23)

I. Lub Hom Phiaj

- A. Kev Hloov Kho Txoj Cai Xub Thawj Ntawm Teb Chaws Mes Kas hais tias, "Xab phas yuav tsis muaj txoj cai lij choj hais txog kev teeb tsa kab lig kev cai" los sis txwv tsis pub siv raws siab nyiam, los sis tsis muaj kev ywj pheej txog kev hais lus los sis xov xwm, txoj cai ntawm cov neeg uas muaj kev thaj yeeb rau kev sib sau ua ke thiab tsab ntawv thov Nom Tswv kom hloov kho qhov kev tsis txaus siab."
- B. Cov Cai Sau Nqi nyob rau hauv Tshooj 1 ntawm Minnesota Txoj Cai hais txog cov cai ntawm kev hais raws siab nyiam thiab siab ntshaw ntawm qhov xov xwm. Txawm li cas los xij, cov cai ntawm xeev thiab tsoom fww yuav tsis pov thaiv kev ua ub ua no txog kev txhaum cai los sis cov kev tso hem thawj rau pej xeem, cov lag luam los sis kev tsim kho xub thawj tseem ceeb.
- C. Minneapolis Lub Tuam Tsev Hauj Lwm Ntsig Txog Tub Ceev Xwm pab txhawb txhua tus neeg txoj cai tseem ceeb kom muaj kev sib sau nyob ua ke yam uas muaj kev thaj yeeb thiab lawv txoj cai rau kev ywj pheej ntawm kev hais lus thiab kev qhia tawm.
- D. Lub hom phiaj ntawm txoj cai no yog los muab cov lus qhia rau MPD cov neeg ua hauj lwm ntsig txog kev thov thiab kev ua hauj lwm ntawm tub ceev xwm nyob rau ncuaj sij hawm cov kev sib sau nyob ua ke ntawm zej tsoom thiab kev ua ub ua no txog Kev Hloov Kho Xub Thawj.

II. Cov Ntsiab Lus

Kev Sib Sau Nyob Ua Ke: Kev sib sau nyob ua ke yog ib pab pawg neeg uas tau sau nyob ua ke rau hauv ib qhov rau lub hom phiaj li ib txwm.

Kev Cuam Tshuam Ntawm Pej Xeem: Kev cuam tshuam ntawm pej xeem, kuj hu ua kev tsis sib haum xeeb ntawm pej xeem los sis kev ntxhov siab ntawm pej xeem, yog thaum tau sau ua ke los sis sib sau nyob ua ke dhau los ua qhov kev ua nruj ua tsiv los sis cov kev cuam tshuam rau qhov kev tso hem thawj ua ke txog kev tsis sib haum xeeb uas ze rau qhov yuav tshwm sim, uas suav nrog, tab sis tsis tas rau, kev ua phem, kev puas tsuaj rau vaj tsev nyob uas tseem ceeb, hluav taws kub, thiab kev raug mob lub cev rau cov neeg.

Kev tuav tswj: Kev tuav tswj yog yog siv tes qhuav tswj tsis yog siv nrig ntau.

Kev Tswj Kom Neeg Coob Txhob Nyob Ua Ke: Cov tev niv uas siv los daws cov kev sib sau nyob ua ke ntawm zej tsoom uas tsis raug raws li txoj cai lij choj.

Cov Hom Phiaj Kev Tswj Kom Cov Neeg Coob Txhob Nyob Ua Ke: Kev siv cov tswv yim thiab cov riam phom uas muaj, tswj los sis tawm ntawm cov neeg coob mus los sis kev sib sau ua nyob ua ke.

Cov Riam Phom Tswj Kom Cov Neeg Coob Txhob Nyob Ua Ke: Cov riam phom tswj kom cov neeg coob txhob nyob ua ke suav nrog tej cov riam phom (los sis qhov cuab yeej uas siv tam li yog riam phom) siv los daws kev cuam tshuam ntawm pej xeem los sis lwm cov kev sib sau nyob ua ke ntawm zej tsoom uas tsis raug raws cai lij choj. Qhov no suav nrog cov tshuaj tsuag khes mis, cov mos txwv tshuaj khes mis los sis cov mos txwv loj (CS los sis OC), cov mos txwv ncho pa los sis cov mos txwv loj, cov mos txwv tuaj rawv qab (40mm ncaj nraim, cov mos txwv loj thiab cov mos txwv tua raws qab uas muaj feem cuam tshuam meej tseeb los sis tseeb), cov mos txwv roj hmab, cov riam phom uas cuam tshuam (cov pas ASP, cov ntaj, cov tsheb kauj vab thiab lwm yam khoom uas siv ua riam phom uas cuam tshuam), thiab cov cuab yeej uas cuam tshuam rau lub suab ntxhe (nruab, cov foob pob CS los sis OC). Kev tso cai rau siv cov riam phom tswj kom cov neeg coob txhob nyob ua ke yog tau teeb tseg nyob rau hauv tshooj [D] hauv qab no.

Cov Kev Nqis Tes Tswj Xyuas Cov Neeg Coob: Cov kev nqis tes los tswj xyuas cov neeg coob, kev txav los sis kev qhia kom cov neeg ntawd rov qab, kev sib chww uas tsis txog rau qib kev ntaus los sis tawm tsam.

Kev Tswj Qhov Muaj Neeg Coob: Cov tev niv uas siv los tswj cov kev sib sau nyob ua ke ntawm zej tsoom uas raug raws cai lij choj ua ntej, nyob rau ncuaj sij hawm, thiab tom qab qhov xwm txheej. Kev tswj qhov muaj neeg coob tuaj yeem ua tau nyob rau ib feem los ntawm kev sib koom tes nrog cov neeg tawm phiaj xwm ntawm qhov xwm txheej thiab cov thawj coj pab pawg, thiab kev tso cai kuaj xyuas.

Qhov Kev Siv Dag Zog Uas Muaj Kev Phom Sij Txog Txoj Sia: Qhov kev siv dag zog uas siv los ntawm tus tub ceev xwm uas paub, los sis muaj zoo laj thawj tsim nyog paub, tsim ua rau muaj pheej hmoo ntau rau kev tuag los sis kev puas tsuaj rau lub cev loj heev.

Kev tawm tsam nom tswv: Qhov kev sib sau nyob ua ke ntawm cov neeg tau teeb tsa xub thawj txhawm rau koom nrog qhov kev ub ua no txog Kev Hloov Kho Xub Thawj. Lawv suav nrog, tab sis tsis tas rau, cov kev tuaj taug kev tsheej pab, kev tuaj tawm tsam tsoom fww, thiab lwm cov kev sib sau nyob ua ke muaj lub hom phiaj rau kev tshaj paj taub.

Cov Kev Ua Ub Ua No Txog Kev Hloov Kho Xub Thawj: Cov kev ua ub ua no txog Kev Hloov Kho Xub Thawj suav nrog txhua cov qauv kev hais thiab kev qhia tawm uas siv cov tswv yim qhia thiab/los sis cov ntaub ntawv, kev qhia txog cov kev tsis txaus siab, los sis sib txuas lus nrog lwm tus thiab suav nrog qhov kev qhia hais ntawm ncauj thiab tsis yog hais ntawm ncauj tib si.

1. Cov kev ua ub no txog Kev Hloov Kho Xub Thawj Li Ib Txwm suav nrog, tab sis tsis tas rau:
 - Cov kev hais
 - Kev tawm tsam nom tswv
 - Kev ceev faj
 - Tuav daim paib tawm tsam
 - Kev faib ntaub ntawv.
 - Kev qhia tawm txog cov paib tshaj tawm los sis cov paib
 - Tus neeg ua yeeb yam hauv txoj kev, thiab
 - Lwm cov qauv qhia txog cov neeg ntawd txoj kev xav.
2. Txhua cov kev ub ua no ntawm no cuam tshuam rau kev ywj pheej txog kev hais lus, koom haum, thiab kev sib sau nyob ua ke thiab txoj cai uas yuav thov nom tswv, raws li tau lav los ntawm Teb Chaws Mes Kas Txoj Cai thiab Xeev Minnesota Txoj Cai.
3. Tej zaum nom tswv yuav tsim cov kev txwv uas muaj zoo laj thawj hais txog lub sij hawm, qhov chaw, los sis tus yam ntxwv kev hais lus uas tau pov thaiv, yog tias cov kev txwv yog kev ncaj ncees yam tsis hais txog lub ntsiab lus ntawm kev hais lus uas tau tswj, tias lawv yuav tau txais kev kho me ntsis txhawm rau muab qhov txiaj ntsig ntawm nom tswv uas tseem ceeb, thiab tias lawv yuav qhib lwm tshooj uas txaus rau kev sib txuas ntawm cov ntaub ntawv.

Kev Puas Tsuj Rau Lub Cev Loj: Qhov raug mob lub cev uas tsim ua rau muaj feem tshwm sim tau siab uas tuag taus, los sis tsim ua rau tshwm sim muaj mob hnyav mus tas li, los sis uas tsim ua rau muaj kev plam los sis kev xiam oob qhab ntawm kev ua hauj lwm mus tas li los sis ncuu nteev ntawm tus neeg lub cev los sis nqaij nruab nrog cev, los sis lwm qhov kev puas tsuj rau lub cev hnyav.

Cov neeg soj saib raws cai. Raws li ib txwm lawm cov neeg, cov neeg sawv cev ntawm cov chaw sawv cev txog pej xeem cov kev muaj cai, tus uas koom nrog cov kev tawm tsam nom tswv, cov kev tawm tsam tsoom fwm ntawm zej tsoom thiab lwm cov kev ua ub ua no. Tej zaum qhov txuas mus no yuav yog qhov kev qhia ntawm tus neeg soj saib fab kev cai lij choj: Kev ntoo lub kaus mom thiab/los sis lub tshoo khuam ntsuab ntawm Tus Kws Lij Choj Hauv Teb Chaws Lub Koom Haum Uas Tau Tawm los sis Tus Soj Saib Fab Kev Cai Lij uas tau txais kev tso cai (lub kaus mob NLG ntsuab thiab/los sis lub tsho khuam dub uas muaj cov paib lo ntsuab) los sis kev hnav lub tsho khuam xiav uas ACLU los yog cov neeg soj saib raws cai.

Mis Dias: Mis dias txhais tau tias tej tug neeg uas yog neeg ua hauj lwm, tus sawv cev, los sis tus neeg cog lus uas muaj kev ywj pheej ntawm tej daim ntawv xov xwm, ntawv tshaj xov los sis lwm cov ntawv, tus neeg luam phau ntawv, lub chaw sawv cev tshaj xov xwm, qhov kev pab cuam tshaj xo, qhov chaw los sis nev vawj xov tooj cua thiab TV, qhov chaw thiab nev vawj xov khes npawj thiab hnuv qub nyeg, lub tuam txhab tsim suab los sis suab, los sis tej lub chaw uas nyob rau hauv cov lag luam li ib txwm ntawm kev sau cov xov xwm thiab kev nthuav cov xom xwm los sis cov ntaub ntawv rau zej tsoom los ntawm tej cov hauv kev, uas suav nrog, tab sis

tsis tas rau, kev luam tawm, kev cais suab, kev thaj duab, tshuab, is taws nem, los sis kev nthuav tawm fab is taws nem. Rau cov hom phiaj ntawm txoj cai no, qhov txuas mus no yog kev taw qhia ntawm tus tswv cuab ntawm mis dias: txheeb xyuas ua duab tam li yog tus tswv cuab ntawm qhov xov xwm, xws li los ntawm kev qhia tawm cov paib coj fab kev ua hauj lwm los sis tau txais kev tso cai los sis kev coj daim paib fab kev ua hauj lwm los sis tau txais kev tso cai los sis qee cov khaub ncaws txawv uas qhia tias tus neeg hnav yog tus tswv cuab ntawm qhov xov xwm.

Cov Mos Txwv:

Cov Mos Txwv Tshuaj Khes Mis (Chemicals): Cov mos txwv uas tau tawm qauv los xa tshuaj khes mis (chemicals) los ntawm kev siv cuab yeej tua mus los sis siv tes tsav mus.

Cov Mos Txwv Uas Muaj Feem Cuam Tshuam Txog Txoj Sia Tsawg: Cov mos txwv uas muaj feem cuam tshuam uas tuaj yeem tua, tso tawm, los sis tua tawm.

Cov Mos Txwv Uas Tuaj Ncaj Nraim: Cov mos txwv uas muaj feem cuam tshuam txog txoj sia tsawg uas tau tawm qauv los tua ncaj nraim rau lub hom phiaj tshwj xeeb.

Cov Riam Phom Uas Tsis Tua Kom Raug Kiag: Cov mos txwv uas tsis muaj feem cuam tshuam ncaj nraim rau txoj sia tsawg uas tau tua txuas ntxiv rau hauv av pem hauv ntej ntawm lub hom phiaj, muaj lub hom phiaj cuam tshuam rau tus neeg phem tom qab txuas mus rau hauv av.

Kev Sib Sau Nyob Ua Ke Uas Tsis Raug Raws Cai Lij Choj: Raws li Txoj Cai MN tshooj 609.714, “Thaum peb leej neeg los sis ntau tshaj ntawd los sib sau nyob ua ke, ces txhua tej tug neeg koom nrog muaj kev ua txhaum cai kev sib sau nyob ua ke uas tsis raug raws cai lij choj, uas yog kev ua txhaum cai, yog tias kev sib sau nyob ua ke yog:

1. txhob txwm cog lus rau tej qhov kev nqis tes uas tsis raug raws cai lij choj los ntawm kev siv dag zog; los yog
1. txhob txwm ua tej lub hom phiaj nyob rau hauv tus yam ntxwv uas tau hais los ntawd yuav cuam tshuam los sis tso hem thawj rau kev thaj yeeb ntawm zej tsoom; los sis
2. tsis muaj lub hom phiaj uas tsis raug raws cai lij choj, tab sis cov neeg koom nrog tuaj yeem coj ua los ntawm lawv tus kheej nyob rau hauv tus yam ntxwv uas tsis sib haum xeeb ua qhov kev tsis sib haum xeeb los sis kev tso hem thawj rau kev thaj yeeb ntawm zej tsoom.”

III. Txoj Cai

A. Kev Pab Kev Yooj Yim Rau Kev Siv Cov Cai

1. MPD cov neeg ua hauj lwm tsis cuam tshuam yam uas tsis raug raws cai nrog cov neeg uas koom nrog kev siv lawv cov cai uas raug raws cai lij choj.

2. MPD yuav ceev cov cai lij choj txog kev hais thiab kev sib sau nyob ua ke raws siab nyiam thaum uas yuav siv tub ceev xwm kev siv dag fab lub cev ntaj ntsug qis tshaj plaws thiab kev tso cai uas yuav tsum daws qhov kev tswj qhov muaj neeg coob los sis teeb meem kev tswj kom neeg coob txhob ua ke.
3. Txoj cai ntawm MPD ntsig txog kev tswj qhov muaj neeg coob thiab kev tswj kom neeg coob txhob nyob ua ke yog siv tau rau qib kev qhia thiab kev tswj uas phim txhawm rau pov thaiv txoj sia, vaj tsev nyob, thiab yam pab kev yooj yim tseem ceeb thaum uas kev tswj kev thaj yeeb ntawm zej tsoom thiab txoj cai nyob rau ncuaj sij hawm kev sib sau nyob ua ke ntawm zej tsoom los sis kev ua ub ua no txog Kev Hloov Kho Xub Thawj.

B. Daim Ntawv Thov Txoj Cai

Txoj cai no hais txog kev tswj qhov muaj neeg coob, kev tswj kom neeg coob txhob nyob ua ke, ua kom cov neeg coob khiav mus, thiab tub ceev xwm lis hauj lwm rau kev ua phem thiab kev tsis sib haum xeeb siv rau:

- Kev sawv qhia uas tshwmsim ceev cuag ntsais muaj.
- Cov xwm txheej uas ciali muaj neeg tuaj coob, thiab
- Kev npaj los sawv qhia lossis tej koomtxoos saws neeg coob txawm muaj/tsis muaj ntawv tso cai rau qhov koomtxoos.

C. Kev Siv Dag Zog

1. Tsis muaj dab tsi nyob rau hauv txoj cai no yuav txwv rau tub ceev xwm li kev muaj peev xwm los siv cov hauv kev xaiv kev siv dag zog uas phim rau kev tiv thaiv lawv tus kheej los sis lwm tus neeg raws li hais tseg nyob rau hauv P&P 5-300.
2. Kev siv cov riam phom tswj kom neeg coob txhob nyob ua ke yuav raug tshaj tawm thiab tshab xyuas raws li cov tshooj Kev Tshaj Tawm Txog Kev Siv Dag Zog thiab Cov Kev Tshab Xyuas Kev Siv Dag Zog Ntawm Tus Thawj Coj Saib Xyuas nyob rau hauv P&P 5-301.

D. Tus Thawj Coj Saib Xyuas Lub Luag Hauj Lwm rau Kev Saib Xyuas

Cov thawj coj saib xyuas yuav muaj lub luag hauj lwm rau:

1. Ua kom ntseeg tias cov tub ceev xwm uas yuav siv cov phom los sis cov mos txwv tau txais kev cob qhia los sis kawm tiav lawm thiab muaj ntawv tso cai raws qhov siv tau.
2. Kev piav qhia rau cov tub ceev xwm nyob rau hauv qhov chaw muaj xwm txheej hais txog cov cai kev koom tes siv cov mos txwv, uas suav nrog kev tshab xyuas cov tshooj cai tub ceev xwm kev siv dag zog uas siv tau.
3. Kev tswj lub luag hauj lwm rau kev tawm los sis kev siv cov mos txwv.

4. Ua kom ntseeg siab tias kev ceeb toom fab xov tooj cua uas phim hais txog kev siv uas siv tau thiab kev ua kom ntseeg siab qhov kev tshaj tawm tom ntej.
5. Ua kom ntseeg siab tias cov tub ceev xwm yeej ua tiav cov ntawv uas sau ua ntaub ua ntawv uas phim rau kev siv cov riam phom uas muaj kev phom sij rau txoj sia tsawg tom qab kev siv cov cuab yeej uas tau hais los ntawd.

E. Tus Thawj Coj Saib Xyuas Qhov Xwm Txheej

Nyob rau hauv qee cov xwm txheej, lub luag hauj lwm ntawm Tus Thawj Coj Saib Xyuas Qhov Xwm Txheej nyob rau hauv txoj cai no tej zaum yuav yog tib tug neeg zoo ib yam li tus coj saib xyuas nyob rau hauv qhov chaw muaj xwm txheej.

F. Kev Tshab Xyuas Txoj Cai Ib Xyoo Ib Zaug

Tau tshab xyuas txoj cai no ib xyoo ib zaug.

IV. Cov Txheej Txheem/Cov Kev Cai

A. Khaub Ncaws

1. Txhua cov tub ceev xwm uas lis hauj lwm rau cov kev sib sau nyob ua ke ntawm zej tsoom yuav muaj nyob rau txhua lub sij hawm, uas suav nrog thaum rau lub cuab yeej pov thaiv, kev qhia tawm lawv lub chaw sawv cev lub npe thiab tus txheeb xyuas ntiag tug uas tsis zoo thooj li lwm tus raws li P&P 3-100.
2. Tus Thawj Coj los sis Tus Thawj Coj tus neeg teeb tsa yuav tsum khaws cov ntawv sau tseg ntawm tej tug tub ceev xwm nyob rau hauv qhov chaw uas muaj xwm txheej uas tsis ua raws li txoj cai teeb tseg no vim yog cov xwm txheej kub ntxhov.

B. Tus tub ceev xwm coj ua

1. Cov tub ceev xwm yuav tsum coj zoo, txuag ntsej muag thiab cov lus thiab tes haujlwm yuav tsum tus tsis hais thaum cov neeg coob tawmtsam tuaj ua tus cwj pwm tsis raws cai thiab ua tsis yog cai.
2. Kev ua phem uas yog hais ntawm ncauj rau cov tub ceev xwm tsis yog lub laj thawj rau kev ntes los sis rau tej tug tub ceev xwm kev siv dag zog rau cov neeg uas tau hais los ntawd.
3. Cov tub ceev xwm yuav tsis ua qhov kev nqis tes los sis tsis nqi tes ua saib raws li cov tswv yim uas tau qhia tawm.
4. Cov tub ceev xwm yuav tsis cuam tshuam rau cov cai kev ua tswv cuab ntawm zej tsoom uas soj saib rau thiab sau tseg kev coj ua ntawm tub ceev xwm los ntawm is dis aus, cov duab thajj, los sis lwm cov hauv kev tshwj tsis yog ua kom cuam tshuam txog rau cov kev ua ub ua no ntawm tub ceev xwm yam tsis tu ncu (P&P 9-202).

5. Cov tub ceev xwm yuav tsis siv riam phom los sis mos txwv tshwj tsis yog tus tub ceev xwm tau txais kev cob qhia hais txog kev siv thiab muaj kev tsim nyog rau kev siv mos txwv/phom (P&P 5-302).
6. Txoj cai no yuav tsis txwv tus tub ceev xwm los ntawm kev ua qhov kev nqis tes uas phim rau kev qhia txog kev txav ntawm cov neeg coob thiab tsheb, cov cai thiab cov kev cai ntawm tub ceev xwm kev siv dag zog; thiab ceev kev nyab xeeb ntawm cov neeg coob, zej tsoom sawv daws, tus neeg ua hauj lwm yuam siv kev cai lij choj, thiab tus neeg ua hauj lwm thaum muaj xwm txheej ceev.

C. Cov Lis Hauj Lwm rau Cov Xwm Txheej Uas Neeg Coob

1. Kev tab kaum ciali tshwjsim

Cov tub ceev xwm lis hauj lwm rau cov kev cuam tshuam loj, los sis tus uas muaj feem tshwm sim qhov kev ua nruj ua tsiv, yuav ceeb toom qhia rau lawv tus thawj coj saib xyuas hauj lwm paub. Tus coj saib xyuas lis hauj lwm yuav ua lub luag hauj lwm ntawm Tus Thawj Coj Saib Xyuas Qhov Xwm Txheej thiab txiav txim qhov kev xav tau rau qhov kev pab txhawb, qhov cuab yeej, thiab cov tswv yim ntxiv uas yuav siv.

- a. Tus Thawj Coj Saib Xyuas Qhov Xwm Txheej yuav ceeb toom rau Tus Thawj Coj Saib Xyuas Ntawm Lub Chaw Zov paub, tus uas yuav txuas lus rau MECC uas muaj cov ntaub ntawv ntawm qhov xwm txheej. MECC yuav txuas lus rau Tus Thawj Coj Tub Ceev Xwm thiab Tus Thawj Coj Neeg Ua Hauj Lwm, uas muaj cov ntaub ntawv ntawm qhov xwm txheej.
- b. Qib kev pab txhawb ntxiv xub thawj yuav yog tus tub ceev xwm ntawm thaj tsam thiab cov tsheb lis hauj lwm uas tau teeb tseg. Tus Thawj Coj Saib Xyuas Qhov Xwm Txheej yuav tsim qhov lus txib ntawm lub chaw ua hauj lwm nrog rau cheeb tsam uas tau teeb tseg. Tus Thawj Coj Saib Xyuas Qhov Xwm Txheej yuav teeb tsa cov tub ceev xwm rau cov ntaub ntawv qhia meej tseeb txog kev nyab xeeb rau cov tsheb thiab qhov cuab yeej ceev xwm.
- c. Tus Thawj Coj Saib Xyuas Qhov Xwm Txheej yuav thov kom xa pab neeg ua hauj lwm SWAT pab muab cov peev txheej los ua qauv rau kev pabcuam rau kev tswj kav ntxiv. Thaum qib siv, pab pawg neeg ua hauj lwm SWAT yuav siv thiab qhia los ntawm Tus Thawj Coj Tub Ceev Xwm Loj (Lieutenant) SWAT nyob rau hauv kev sib sab laj nrog Tus Thawj Coj Saib Xyuas Qhov Xwm Txheej.
- d. Tus Thawj Coj Saib Xyuas Qhov Xwm Txheej yuav lav ris qhov xwm txheej xam tag nrho, txawm li cas los xij, Tus Thawj Coj Tub Ceev Xwm Loj SWAT yuav ua cov kev nqis tes tshwj xeeb ntawm cov tswv cuab SWAT thaum tau qhib siv, raws li lub luag hauj lwm uas tau sau tseg los ntawm Tus Thawj Coj Saib Xyuas Qhov Xwm Txheej.

2. Kev sib sau nyob ua ke uas raug raws cai lij choj

Cov neeg los sis cov pab pawg uas tuaj nyob rau hauv txoj kev ntawm zej tsoom, xws li cov yam pab kev yooj yim ntawm zej tsoom, cov kev los sis cov kev taug, feem ntau lawm muaj cai los sib sau nyob ua ke, nyob ua ke tsheej pab, tawm tsam nom tswv, tawm tsam tsoom fwv, los sis qhia cov saib lawv thiab cov tswv yim los ntawm cov foos kev sib txuas lus sib txawv uas suav nrog kev qhia tawm qhov cov ntawv uas tau luam. Tej zaum yuav muaj ciam txwv rau cov cai no los ntawm cov cai lij choj los sis cov cai uas tswj cov teeb meem uas tau hais los ntawd xws li kev thaiv hauv kev nkag mus ntawm tus neeg los sis cov tsheb los sis qhov chaw tawm, kev ua txhaum, ntsoo, Tuav daim paib tawm tsam, kev qhia tawm cov ntawv ntawm tes, yais ntawv tawm thiab sawv dog dig ntawm tej.

3. Kev sib sau nyob ua ke uas tsis raug raws cai lij choj

- a. Kev tsis tau txais kev tso cai, xws li kev tso cai ua yeeb yam los sis kev tso cai tawm suab, tsis yog them pib txaus uas yuav tshaj tawm txog kev sib sau nyob ua ke uas tsis raug raws cai lij choj.
- b. Qee cov neeg tawm tsam nom tswv los sis kev teeb tsa pab pawg uas muaj kev koom tes nrog cov kev nqis tes ua nruj ua tsiv los sis tsis raug raws cai lij choj nyob rau hauv lub hwv tsam ua ntej los sis kev cov kev tawm tsam nom tswv tsis xam tias yog kev tshaj tawm kev sib sau nyob ua ke uas tsis raug raws cai.
- c. Thaum twg lub sijhawm pub, cov cwjpw uas tsis raws cai ntawm ob peb tug neeg koomtes yuav tsis tshwm qhia rau lub sijhawm, qhov chaw, lossis cov yam ntxwv raug cov coob ntawm kev tawm tsam uas muaj kev thajyeeb, tsuas yog thaum lwm cov neeg uas koom lossis cov tub ceev xwm raug hem rau tej yam tsis nyabxeeb.
- d. Tshwj tsis yog cov xwm txheej ceev los sis muaj kev phom sij yuav tiv thaiv kev sib tham, cov tev niv kev ua cov neeg coob khiav mus yuav tsis tau pib kom txog tom qab kev ua tib zoo uas tau txais kev txuas lus nrog tus tub ceev xwm kev sib tham thiab kev tawm tsam nom tswv los sis cov thawj coj saib xyuas xwm txheej uas muaj neeg coob txhawm rau sib tham txog kev daws qhov xwm txheej txhawm rau kom qhov kev ua ub ua no uas tsis raug raws cai lij choj thiaj li yuav xaus mus, thiab kev ua ub ua no txog Kev Hloov Kho Xub Thawj tuaj yeem ua txuas ntxiv.

4. Kev Tshaj Tawm Txog Kev Sib Sau Nyob Ua Ke Uas Tsis Raug Raws Li Kev Cai Lij Choj

- a. Yog tias Tus Thawj Coj Saib Xyuas Qhov Xwm Txheej tau tshaj tawm tias qhov kev sib sau nyob ua ke tsis raug raws cai lij choj, ces cov laj thawj rau kev tshaj tawm thiab cov npe ntawm cov neeg ua kev txiav txim yuav raug sau tseg.
 - i. Kev tshaj tawm thiab qhov lus txib kev khiav mus yuav tsum raug tshaj tawm kom sib sau nyob ua ke.

- ii. Cov npe ntawm cov tub ceev xwm uas tshaj tawm txog kev tshaj tawm tsim nyog raug sau tseg, uas muaj lub sij hawm thiab hnub tim uas tau sau tseg.
 - b. Qhov lus txib kev khiav mus yuav suav nrog:
 - iii. Lub npe, qib ntawm tus neeg, thiab lub chaw sawv cev uas muab lus txib.
 - iv. Kev Tshaj Tawm Txog Kev Sib Sau Nyob Ua Ke Uas Tsis Raug Raws Li Kev Cai Lij Choj thiab cov laj thawj rau kev tshaj tawm.
 - v. Ob txoj kev tawm tsawj tshaj plaws uas tej zaum yuav raug siv.
 - vi. Cov tshwm sim tawm los tshwj xeeb ntawm kev tsis ua raws qhov lus txib kev tawm mus.
 - vii. Ntev npaum li cas uas pab pawg ua raws.
 - c. Txawm li cas los xij tsuav ua tau, cov lus txib kev khiav mus tsim nyog muaj ua lwm hom lus uas phim rau cov neeg tuaj saib. Cov tub ceev xwm yuav lees paub tias tsis yog txhua cov tswv cuab coob xwb thiaj li tuaj yeem hais tau hom lus zoo uas siv nyob rau hauv qhov lus txib kev khiav mus.
 - d. Cov kev tshaj tawm txog kev khiav mus yuav tau ua nyob rau hauv tus yam ntxwv uas yuav ua kom ntseeg siab tias lawv tuaj yeem hnov thoob plaws cheeb tsam txaus.
 - i. Cov kev tshab tawm txog kev khiav mus yuav tsum tau ua los ntawm lwm cov chaw thaum kev tawm tsam nom tswv yog qhov loj thiab ntsoo.
 - ii. Cov kev tshaj tawm txog kev khiav mus tsim nyog rov ua dua tom qab kev pib kev ua qhov kev khiav mus txhawm rau kom cov neeg ntawd thiaj li tsis tuaj nyob ntawm qhov chaw cais suab xub thawj es thiaj li yuav nkag siab tias lawv yuav tsum tawm ntawm cheeb tsam.
5. Kev Ua Kom Cov Neeg Coob Khiav Mus
- a. Cov tev niv kev ua kom neeg coob khiav mus tsis nyog tau pib kom txog thaum cov tub ceev xwm tshaj tawm dua rau cov neeg coob, los sis paub tias cov tub ceev xwm tau tshaj tawm dua, kev thov cov tswv cuab ntawm cov neeg coob kom tawm mus yam uas yus yeem yus thiab kev ceeb toom qhia lawv paub tias, yog tias lawv tsis tawm mus, ces lawv yuav yog tus neeg phem uas raug ntes xwb ntag.
 - b. Tshwj tsis yog kev muaj pheej hmoo tam sim rau kev nyab xeeb ntawm zej tsoom los sis yuav muaj kev tshwm sim puas tsuaj rau vaj tsev nyob uas tseem ceeb, yuav tso cai siv lub sij hawm txaus rau cov neeg coob raws li tus tub ceev xwm cov lus txib ua ntej yuav ua qhov kev nqis tes.

- c. Yog tias cov kev sib tham thiab cov kev tshaj tawm hais ntawm ncauj kom khiav mus tsim ua rau muaj kev txav tawm ntawm cov neeg coob yam uas yus yeem yus, ces tej zaum cov tub ceev xwm yuav siv cov tswv yim kev ua kom cov neeg coob khiav mus txhab ntxiv, tab sis tsuas yog tom qab cov lus txib los ntawm Tus Thawj Coj Saib Xyuas Qhov Xwm Txheej xwb, thiab los ntawm kev siv qhov kev siv dag zog fab lub cev ntaj ntsug tsawg tshaj plaws thiab kev tso cai uas yuav tsum tau daws qhov teeb meem.
- d. Yog tias, tom qab cov kev ua kom cov neeg coob khiav mus raws li kev tshaj tawm ntawm qhov kev sib sau nyob ua ke uas tsis raug raws cai lij choj thiab cov neeg koom nrog uas sib sau nyob ua ke nyob rau ntawm lwm qhov chaw rau ub rau no uas cov neeg koom nrog muaj kev koom tes qhov kev ua ub ua txog Kev Hloov Kho Xub Thawj tsis ua nruj ua tsiv los sis raug raws cai lij choj, xws li qhov kev sib sau ua ke uas tsis tuaj yeem khiav mus tshwj tsis yog nws tau txiav txim tias nws yog qhov kev sib sau ua nyob ua ke uas tsis raug raws cai lij choj, thiab tau muaj qhov kev tshaj tawm txog kev sib sau nyob ua ke uas tsis raug raws cai lij choj tshiab

D. Kev Tso Cai Siv Cuab Yeej Tswj Kom Neeg Txhob Sib Sau Ua Coob

1. Tshwj tsis yog tau qhia nyob rau hauv [E] hauv qab no, nyob rau ncuaj sij hawm cov kev sib cuam tshuam thiab cov neeg coob ntawm pej xeem (raws li tau hais tseg nyob rau hauv txoj cai no), kev tso cai siv cov riam phom tswj kom cov neeg coob txhob nyob ua ke tsuas yog los ntawm Tus Thawj Coj Tub Ceev Xwm, los sis yog tias tsis muaj Tus Thawj Coj, Tus Thawj Coj tus neeg teeb tsa nyob rau qib ntawm Tus Lwm Thawj Coj los sis siab dua ntawd.
 - a. Yuav tsum muaj qhov kev tso cai uas tau hais los ntawd nyob rau hauv xov tooj cua tub ceev xwm los ntawm kev xa xov tooj cua mus rau tus neeg ua hauj lwm nyob rau hauv qhov chaw uas muaj xwm txheej, thaum twg los xij tsuav ua tau xwb.
 - b. Tus Thawj Coj Saib Xyuas Qhov Xwm Txheej yuav ua kom ntseeg siab tias tej cov kev tso cai rau siv cov riam phom tswj kom cov neeg coob txhob nyob ua ke (uas yuav tsum los ntawm Tus Thawj Coj Tub Ceev Xwm los sis yog tias tsis muaj Tus Thawj Coj, Tus Thawj Coj tus neeg teeb tsa nyob rau qib ntawm Tus Lwm Thawj Coj los sis siab dua ntawd) yuav raug sau tseg nyob rau hauv Daim Ntawv Tshaj Tawm Ntawm Tub Ceev Xwm, uas suav nrog tus neeg uas tau txais kev tso cai siv cov riam phom tswj kom cov neeg coob txhob nyob ua ke. MPD yuav ceev cov ntaub ntawv uas tau hais los ntawd rau ncuaj sij hawm tsawg tshaj xya lub xyoo.
 - c. Cov neeg ua hauj lwm MPD uas tau cog lus yuav tsis siv cov riam phom tswj kom cov neeg coob txhob nyob ua ke nyob rau hauv cov kev sib cuam tshuam los sis kev sib sau nyob ua ke ntawm pej xeem kom txog thaum lawv tau txais kev tso cai nyob rau hauv txoj cai no, tshwj tsis yog yuav tsum muaj kev pov thaiv tus kheej los sis lwm tus neeg tam sim los ntawm kev puas tsuaj rau lub cev ntaj ntsug uas ze qhov yuav tshwm sim, raws li tau qhia meej tseeb nyob rau hauv [E] hauv qab no.

2. Cov riam phom tswj kom cov neeg coob txhob nyob ua ke yuav tsum tau txais kev tso cai sib sau ua ke tsheej pab los sis cov kev sib sau nyob ua ke yam uas muaj kev thaj yeeb (xws li cov kev tawm tsam tsoom fvw los sis cov kev tawm tsam nom tswv uas muaj kev thaj yeeb).
3. Nyob rau hauv cov xwm txheej uas tsis cuam tshuam rau cov kev cuam tshuam los sis cov kev sib sau nyob ua ke ntawm pej xeem, kev siv cov riam phom uas tau teeb tseg nyob rau hauv txoj cai no yuav yog raws li lwm tshooj nyob rau hauv P&P 5-300 tshwj xeeb rau cov riam phom ntawd.

E. Kev Puas Tsuj Rau Lub Cev Ntaj Ntsug Uas Ze Qhov Yuav Tshwm Sim Rau Tus Kheej los sis Lwm Tus

1. Yog tias yuav tsum muaj kev pov thaiv tus kheej los sis lwm tus neeg tam sim los ntawm kev puas tsuj rau lub cev ntaj ntsug uas ze qhov yuav tshwm sim thiab cov riam phom tswj kom cov neeg coob txhob nyob ua ke tsis tau txais kev tso cai nyob rau hauv [D] saum toj no.
 - a. Cov riam phom tswj kom cov neeg coob txhob nyob ua ke, kev tsis suav nrog cov mos txwv tshuaj khes mis, cov mos txwv ncho pa thiab cov cuab yeej uas cuam tshuam rau lub suab ntxhe, tej zaum yuav siv yam tsis muaj kev tso cai ua ntej txhawm rau xaus kev ua phem los sis kev nqi tes ua phem.
 - b. Nyob rau hauv cov xwm txheej no, tej zaum cov riam phom tswj kom cov neeg coob txhob nyob ua ke yuav raug siv rau cov neeg tshwj xeeb uas tsim ua rau muaj kev tso hem thawj txog qhov kev puas tsuj rau lub cev ntaj ntsug uas ze qhov yuav tshwm sim rau lwm tus neeg.
 - c. Cov mos txwv tshuaj khes mis, cov mos txwv ncho pa thiab cov cuab yeej uas cuam tshuam rau lub suab ntxhe, tej zaum yuav cov cuab yeej yuav tsis raug siv nyob rau hauv cov xwm txheej no.
2. Cov tub ceev xwm uas tau cog lus uas siv cov riam phom tswj kom cov neeg coob txhob nyob ua ke nyob rau cov xwm txheej uas tau hais los ntawd yuav tsum ceeb toom rau lawv tus thawj coj saib xyuas hauj lwm paub txog kev siv cov riam phom tswj cov neeg coob kom sai li sai tau thaum nws muaj kev nyab xeeb uas yuav ua li ntawd.
3. Tus thawj coj yuav ceeb toom rau Tus Thawj Coj Saib Xyuas Qhov Xwm Txheej los sis Thawj Coj Saib Xyuas Ntawm Lub Chaw Zov paub kom sai li sai tau thaum nws muaj kev nyab xeeb uas yuav ua li ntawd.
4. Tus tub ceev xwm uas tau cog lus uas siv cov riam phom tswj kom cov neeg coob txhob nyob ua ke nyob rau hauv tshooj no (rau cov neeg tshwj xeeb hais txog kev sib sau nyob ua ke yam tsis muaj kev tso cai ua ntej) yuav sau tseg thiab qhia meej tseeb nyob rau hauv Daim Ntawv Tshaj Tawm Ntawm Tub Ceev Xwm txog cov xwm txheej tshwj xeeb uas tsim kom yuav tsum muaj kev pov thaiv lawv tus kheej los sis lwm tus neeg tam sim

los ntawm kev puas tsuaj rau lub cev ntaj ntsug uas ze qhov yuav tshwm sim. MPD yuav ceev cov ntaub ntawv uas tau hais los ntawd rau ncuu sij hawm tsawg tshaj xya lub xyoo.

5. Tus Thawj Coj Saib Xyuas Qhov Xwm Txheej los sis Tus Thawj Coj Saib Xyuas Ntawm Lub Chaw Zov yuav email tsab ntawv ceeb toom luv-luv ua ntej yuav xaus lawv sij hauj lwm tias tus tub ceev xwm siv cov riam phom tswj kom neeg coob txhob nyob ua ke yam tsis muaj kev tso cai ua ntej, uas suav nrog tus nab npawb xwm txheej thiab cov xwm txheej uas teeb tsa kom yuav tsum siv riam phom, rau Tus Thawj Coj Tub Ceev Xwm, Tus Pab Txhawb Tus Thawj Coj, Tus Lwm Thawj Coj, thiab Tus Thawj Coj Saib Xyuas Hauj Lwm Sab Hauv, rau kev tshab xyuas thiab kev tswj tom ntej.

F. Cov Tswv Yim Rau Kev Tswj Kom Cov Neeg Coob Txhob Nyob Ua Ke thiab Kev Ua Kom Cov Neeg Coob Khiav Mus

Tej zaum yuav tau txais kev tso cai thiab siv cov riam phom tswj kom cov neeg coob txhob nyob ua ke nyob rau ncuu sij hawm cov kev cuam tshuam thiab cov kev sib sau nyob ua ke ntawm pej xeem raws li P&P 5-300 thiab cov cai uas tau teeb tseg nyob rau hauv txoj cai no, uas suav nrog cov cai teeb tseg rau kev tso cai nyob rau hauv tshooj [D].

1. Tau txwv tsis pub siv aub

Yuav tsis siv cov aub rau kev tswj kom neeg coob txhob nyob ua ke, ceev kom cov neeg coob kom txhob nyob tsheej pab, los sis kev ua cov neeg coob khiav mus.

2. Tau txwv tsis pub tsuag dej

Yuav tsis siv cov xov tsuag dej rau kev tswj kom neeg coob txhob nyob ua ke, ceev kom cov neeg coob txhob nyob ua ke tsheej pab, los sis kev ua cov neeg coob khiav mus.

3. Tau txwv FSDDs

Yuav tsis siv FSDDs (Kuj hu ua “nrov-cig nplaim (flash-bang)”) rau kev tswj kom neeg coob txhob nyob ua ke, ceev kom neeg coob txhob nyob tsheej pab, los sis kev ua kom cov neeg coob khiav mus.

4. Tau Txwv Tsis Pub Siv Cov Riam Phom Tswj Es Les Taus Niv (Electronic Control Weapons, ECWs)

Yuav tsis siv Cov Riam Phom Tswj Es Les Taus Niv (Electronic Control Weapons, ECWs) rau kev tswj kom cov neeg coob txhob nyob ua ke, ceev kom cov neeg coob txhob nyob tsheej pab, los sis kev ua kom cov neeg coob khiav mus. Txoj cai no yuav tsis txwv kev siv ECWs nyob rau hauv cov yam ntxwv ntawm [E] ntsig txog kev puas tsuaj rau lub cev ntaj ntsug uas ze rau qhov yuav tshwm sim.

5. Cov tsheb

- a. Yuav tsis siv cov tsheb maus taus thiab cov tsheb tub ceev xwm rau kev ua kom cov neeg coob khiav mus.
- b. Tej zaum cov tsheb yuav raug siv rau cov hom phiaj kev soj saib, kev tsis pub kom muaj xwm txheej tshwm sim ntawm qhov chaw muaj neeg coob, kev tswj cov neeg coob, kev thauj mus los, thiab kev tswj cheeb tsam nyob rau ncuaj sij hawm qhov xwm txheej cov neeg coob.

6. Cov tsheb kauj vab

- a. Tej zaum yuav siv cov tsheb kauj vab los tswj thiab txav tawm cov neeg raws li tsim nyog. Tej zaum yuav tau txais kev tso cai siv cov tsheb kauj vab rau cov neeg nrog tuaj coob los ntawm Tus Thawj Coj Saib Xyuas Qhov Xwm Txheej.
- b. Cov kev sib tawm tsam uas siv tsheb kauj vab thiab lwm tus siv tsheb kauj vab tam li yog riam phom yuav ua raws li cov cai thiab cov txheej txheem rau kev siv riam phom uas muaj feem cuam tshuam.

7. Cov nees

- a. Thaum tau txais kev tso cai siv los ntawm Tus Thawj Coj Saib Xyuas Qhov Xwm Txheej, tej zaum yuav siv cov nees rau kev ceev, tswj, thiab qhia cov pab pawg nyob rau hauv cov tawm tsam nom tswv uas tsis ua nruj ua tsiv raws li phim.
- b. Yuav tsis siv cov nees tawm tsam rau cov neeg uas tuaj tawm tsam nom tswv, uas suav nrog tus uas zaum los sis pw.
- c. Tshwj tsis yog muaj cov xwm txheej kub ntxhov, ces yuav tsis tsim nyog siv cov nees thaum muaj kev siv cov khes mis (chemical) los sis tau vam tias yuav siv, los sis nyob rau hauv cov yam ntxwv uas muaj dej khov thiab daus los sis thaum tsis muaj qhov ruaj khov ces tej zaum yuav muaj kev phom sij rau tsiaj, tus neeg caij tsheb, los sis lwm cov neeg.

8. Cov Mos Txwv thiab Cov Phom Tua 40mm

- a. cov phom tua 40mm

Raws li tshooj hais txog cov phom tua 40mm nyob rau hauv P&P 5-302, nyob rau ncuaj sij hawm cov kev cuam tshuam los sis cov kev sib sau nyob ua ke ntawm pej xeem:

- i. Kev nqa cov phom tua 40mm

Tsuas yog cov tub ceev xwm uas ua hauj lwm nyob rau hauv lub luag hauj lwm SWAT uas tau txais kev tso cai xwb thiaj li nqa tau cov phom tua 40mm, tshwj

tsis yog Tus Thawj Coj Tub Ceev Xwm tau tso cai, los sis thaum Tus Thawj Coj tsis khoom, Tus Thawj Coj tus neeg teeb tsa ntawm qib Lwm Thawj Coj los sis siab dua ntawd, rau lwm cov tub ceev xwm uas tau txais kev cob qhia hais txog kev siv cov phom tua 40mm txhawm rau nqa cov phom ntawd.

ii. Kev sib koom siv rab phom tua 40mm

Thaum tau txais kev tso cai siv cov phom tua 40mm raws li tshooj [D], thiab tus thawj coj saib xyuas hauj lwm SWAT nyob rau hauv qhov chaw muaj xwm txheej, tus thawj coj yuav koom siv txhua cov phom tua 40mm nyob rau hauv qhov chaw muaj xwm txheej, uas suav nrog tus uas tau txais kev tso cai nqa ua ntej tus thawj coj saib xyuas SWAT tuaj txog. Tsis muaj dab tsi nyob rau hauv txoj cai no txwv siv cov phom tua 40mm uas tau txais kev tso cai los ntawm tshooj [E] ntsig txog kev puas tsuas rau lub cev uas ze qhov yuav tshwm sim tuaj.

b. Cov mos txwv uas muaj feem cuam tshuam txog txoj sia tsawg

i. Kev siv cov mos txwv uas muaj feem cuam tshuam txog txoj sia tsawg

aa. Tau txwv tsis pub tua cov mos txwv uas muaj feem cuam tshuam txog txoj sia tsawg yam tsis muaj kev ntxub ntxaus rau cov neeg coob los sis pab pawg neeg.

ab. Yuav siv cov mos txwv uas muaj feem cuam tshuam txog txoj sia tsawg rau tus neeg tshwj xeeb uas muaj kev koom tes coj ua uas tsim muaj rau muaj kev tso hem thawj tam sim txog kev puas tsuaj rau lub cev ntaj ntsug uas ze qhov yuav tshwm sim (raws li tau sau tseg los ntawm [E])

ac. Thaum cov xwm txheej tso cai rau, Tus Thawj Coj Saib Xyuas Qhov Xwm Txheej yuav ua tib zoo ua kom tau li lub hom phiaj kev ceev xwm yam tsis muaj kev siv cov mos txwv uas muaj feem cuam tshuam rau txoj sia tsawg raws li tau piav qhia saum toj no, thiab yog tias, yuav muaj kev ceeb toom ua suab rau tus neeg phem ua ntej yuav siv riam phom.

ii. Cov cheeb tsam zam kev teeb hom phiaj

Raws li P&P 5-302, cov tub ceev xwm yuav txhob txwm tsis tso tawm cov mos txwv uas muaj feem cuam tshuam rau txoj sia tsawg ntawm tus tib neeg lub tob hau, caj dab, pob qa, ntej muag, qhov tsos, txha caj qaum, ob lub raum, los sis pob tais tshwj tsis yog yuav muaj kev siv dag zog uas muaj kev phom sij txog txoj sia.

c. Cov mos txwv tshuaj khes mis

i. Kev tawm txaus

Tej zaum yuav tsis siv cov mos txwv tshuaj khes mis tshwj tsis yog muaj kev tawm txaus txhawm rau pab ua cov neeg coob khiav mus yam uas muaj kev nyab xeeb.

ii. Kev txwv hais txog cov mos txwv tshuaj khes mis

Tau txwv tsis pub siv cov mos txwv tshuaj khes mis CN.

iii. Cov kev tshaj tawm thiab cov kev ceeb toom ntawm cheeb tsam

aa. Thaum ua tau, tsim nyog muaj kev tshaj tawm txhab ntxiv txog kev siv mos txwv tshuaj khes mis ua ntej siv cov mos txwv tshuaj khes mis nyob rau hauv qhov xwm txheej muaj cov neeg coob.

ab. Nyob rau hauv qhov xwm txheej uas tau vam tias yuav muaj kev siv cov mos txwv tshuaj khes mis ntau uas muaj feem cuam tshuam rau cov neeg nyob rau hauv los sis cov lag luam nyob ze yam uas muaj zoo laj thawj, MPD tsim nyog yuav ua zoo saib rau cov kev ceeb toom txog cov ntaub ntawv kev nyab xeeb hais txog kev siv cov mos txwv rau cov neeg uas raug feem cuam tshuam kom sai li sai tau, tab txawm tias tom qab qhov xwm txheej los xij

iv. Muaj cov kev pab cuam fab kev kho mob xwm txheej ceev

Thaum twg thiaj li mam muaj kev siv cov mos txwv tshuaj khes mis, cov kev pab cuam fab kev kho mob xwm txheej ceev yuav npaj txhij nyob rau ntawm qhov sib nrug uas nyab xeeb uas nyob ze rau cheeb tsam lub hom phiaj thaum ua tau.

v. Kev sau tseg kev siv mos txwv tshuaj khes mis

Dhau ntawm cov cai teeb tseg rau tub ceev xwm kev siv dag zog thiab cov ntaub ntawv kev txo nyob rau hauv P&P 5-301 cov ntaub ntawv txuas mus no yuav raug sau tseg rau txhua qhov kev siv mos txwv tshuaj khes mis.

aa. Lub npe ntawm txhua tej cov mos txwv tshuaj khes mis uas siv nyob rau hauv qhov xwm txheej.

ab. Qhov chaw nyob thiab lub sij hawm kev siv txhua tej cov mos txwv tshuaj khes mis (raws li qhov raug tshaj plaws).

vi. Daim ntawv cov ntaub ntawv qhia txog kev nyab xeeb

Daim ntawv cov ntaub ntawv qhia txog kev nyab xeeb (SDS) yuav raug khaws tseg thiab ceev tseg rau txhua cov mos txwv tshuaj khes mis uas siv los ntawm MPD.

9. Cov siv riam phom uas muaj feem cuam tshuam tsis zoo

a. Kev qhia txog cov pas thiab cov ntaj

Tej zaum cov pas thiab cov ntaj yuav raug qhia ua duab thiab tswj nyob rau hauv qhov chaw npaj nyob rau ncuaj sij hawm kev tsim pab pawg thiab pab pawg tub rog ib puas leeg.

b. Kev txav tawm ntawm cov neeg coob

Cov riam phom uas muaj feem cuam tshuam (xws li cov pas, ntaj thiab cov thaiv mos txwv) tej zaum yuav raug siv ua cov cuab yeej rau cov neeg nrog tuaj uas coob thaum tau txais kev tso cai los ntawm Tus Thawj Coj Saib Xyuas Qhov Xwm Txheej.

c. Kev siv cov riam phom uas muaj feem cuam tshuam

i. Cov kev sib tawm tsam uas siv riam phom uas muaj feem cuam tshuam yuav tsis raug siv yam uas tsis muaj kev ntxub ntxaug rau cov neeg coob los sis pab pawg neeg, tab sis tsuas yog rau cov neeg tshwj xeeb uas raug ua phem fab lub cev ntaj ntsug los sis kev tiv thaiv kev ntes tus neeg tas li.

ii. Cov kev sib tawm tsam uas siv cov riam phom uas muaj feem cuam tshuam yuav tsis tsim nyog raug siv nyob rau hauv qhov xwm txheej kev tswj cov neeg coob rau tus uas ua tib zoo ua raws tab sis tsis tuaj yeem tawm mus los sis txav mus tau fab lub cev ntaj ntsug vim yog qhov xov xwm uas muaj cov neeg coob los sis lwm qhov kev thaiv hauv kev ruaj khov.

d. Cov cheeb tsam zam kev teeb hom phiaj

Cov tub ceev xwm yuav tsis tawm tsam tus neeg uas yog siv qws ntaus lub taub hau, caj pas, qa, ob lub raum, txhaj caj qaum, los sis pob tais, los sis tawm tsam uas siv dag zog rau lub qhov tsos, tshwj tsis yog tus neeg tau tsim ua rau muaj kev tso hem thawj tam sim txog kev puas tsuaj rau lub cev loj rau lwm tus.

e. Siv rau tus neeg uas raug xauv tes

Yuav tsis siv cov riam phom uas muaj feem cuam tshuam rau tus neeg uas raug xauv tes tshwj tsis yog thaum tau tso cai raws li txoj cai lij choj ntawm P&P 5-300 thiab xeev.

10. Cov tshuaj khes mis xuas tes nyem tsuag

a. Siv cov tshuaj khes mis xuas tes nyem tsuag

- i. Yuav siv cov tshuaj khes mis xuas tes nyem tsuag rau cov neeg tshwj xeeb uas muaj kev koom tes coj ua uas tsim ua rau muaj kev tso hem thawj tam sim txog kev puas tsuaj rau lub cev ntaj ntsug loj uas ze rau qhov yuav tshwm sim. Txwv tsis pub siv cov tshuaj khes mis tsuag, xuas tes nyem, zawm, yam uas muaj khes miv tov nrog uas yuav tsuag tawm tuaj los tswj qhov muaj neeg coob, tswj kom neeg coob txhob nyob ua ke, los sis ua kom cov neeg coob khiav mus.
- ii. Cov tub ceev xwm yuav siv cov tshuaj khes mis tsawg tshaj plaws uas tsim nyog txhawm kom muaj yeej tus neeg phem li kev tiv thaiv.

b. Kev kho qhov kev raug mob ntawm tus neeg phem

- i. Thaum ua tau, cov tib neeg tsim nyog tau txav tawm kom ceev li ceev los ntawm tej cheeb tsam uas tau siv cov tshuaj khes mis xuas tes nyem. Cov tub ceev xwm yuav kuaj xyuas tus neeg phem thiab ua zoo saib xyuas ua qhov tshwj xeeb rau cov neeg phem li kev muaj peev xwm ua pa tom qab kev siv qhov tshuaj khes mis.
- ii. Tus neeg phem uas raug tsuag qhov tshuaj khes mis uas siv tes nyem yuav tsis muab tso pw ntawm lawv lub plab thaum raug xauv tes los sis thaum uas raug ceev cia uas siv tej qhov cuab yeej.

G. Kev ntes neeg

1. Cov neeg coob nyob ncig ua voj voom

Yog tias cov neeg coob tsis khiav mus tom qab cov kev tshaj tawm uas tau teeb tseg thiab muaj lub sij hawm txaus uas yuav tawm, tej zaum cov tub ceev xwm yuav nyob ncig cov neeg coob los sis ib feem ntawm cov neeg coob yuav raug ntes tib txhij.

2. Cov neeg uas saib rau qhov raug ntes

- a. Cov neeg uas ua meej tseeb (xws li, los ntawm kev tsis mloog pej xeem uas tsis ua nruj ua tsiv) tias lawv saib rau qhov raug ntes tej zaum yuav raug ntes thiab yuav tsis nce rau lwm cov tev niv kev khiav mus, xws li kev siv cov riam phom los sis cov khes mis uas muaj feem cuam tshuam.
- b. Cov tib neeg uas tsis kam ua raws cov txheej txheem kev ntes tej zaum yuav nce rau tub ceev xwm kev siv dag zog uas muaj zoo laj thawj.

3. Kev ntes cov neeg uas tsis ua nruj ua tsiv

Kev ntes cov neeg uas tsis ua nruj ua tsiv yog tiav los ntawm kev txib, kev hais lus ntxias, kev xauv tes, kev ts, kev nqa, lub laub khoom, thiab/lossis lub txaj laub thiab/lossis siv tes qhuav los tuav tswj.

4. Cov kev raug mob ntawm tus neeg raug ntes

- a. Cov tub ceev xwm yuav sau tseg cov kev raug mob uas tau tshaj tawm los ntawm tus neeg raug ntes, raws li P&P 5-301.
- b. Kom sai li sai tau, cov tub ceev xwm yuav tau txais kev kho mob fab kev ua hauj lwm rau cov neeg raug ntes, raws li P&P 5-301 thiab P&P 7-350.

5. Cov kev ntes tus tub ntxhais hluas

Cov tub ntxhais hluas raug ntes nyob rau hauv kev tawm tsam nom tswv yuav raug tswj raws li txoj cai MPD hais txog kev ntes, kev thauj mus los, thiab kev kaw cov tub ntxhais hluas (P&P 8-300).

6. Kev ntes cov neeg uas muaj kev xiam oob qhab thiab Kev Txawj Lus Askiv Uas Muaj Ciam Txwv

- a. Cov tub ceev xwm ntes tus neeg uas muaj kev xiam oob qhab uas muaj feem cuam tshuam rau kev txav mus los thiab kev txuas lus yuav ua raws li txoj cai MPD hais txog kev ntes, kev thauj mus los, thiab kev kaw cov neeg uas muaj kev xiam oob qhab (P&P 7-1002 thiab P&P 7-1003).
- b. Cov tub ceev xwm yuav ua raws P&P 7-1001 rau kev muab cov kev pab cuam rau cov neeg uas muaj Kev Txawj Lus Askiv Uas Muaj Ciam Txwv.

7. Kev xauv cov neeg raug ntes sab tes

a. Cov cai kev xauv tes

Txhua cov neeg uas nce rau kev raug ntes nyob rau ncuaj sij hawm kev tawm tsam nom tswv los sis qhov xwm txheej muaj neeg coob yuav raug xauv tes raws li txoj cai MPD, cov lus txib, thiab cov xov xwm kev cob qhia (uas suav nrog P&P 5-301, P&P 5-302 thiab P&P 9-109).

b. Cov kev khi sab tes mus rau sab nraub qaum

- i. Cov tub ceev xwm yuav lees paub tias cov kev khi sab tes mus rau sab nraub qaum tej zaum yuav nruj thaum cov neeg raug ntes ob sab tes o los sis txav tau, qee zaum tsuas yog pab tau rau qhov mob los ntawm kev khiv lawv sab tes tuaj sab nraub qaum xwb.

- ii. Thaum tus neeg raug ntes yws txog qhov mob ntawm kev khi sab tes mus rau sab nraub qaum nruj dhau lawm, ces cov tub ceev xwm yuav kuaj xyuas qhov khi tes mus rau sab nraub qaum thiab ua kom ntseeg siab tias tab tom haum xwb.
- iii. Cov neeg raug ntes nyob rau hauv khi sab tes mus rau ntawm lub raum qaum yuav tau txais kev kuaj xyuas txhawm rau tiv thaiv qhov raug mob.
- iv. Txhua lub chaw uas muaj kev koomtes, rau kev kaw lossis thauj cov neeg raug ntes mus los, uas siv lub kauj xauv tes yuav tsum muaj rab txiab txiav kaujtes thiab npaj muaj cov kauj xauv tes kom txaus los siv.

H. Mis Dias (Media).

Mis dias muaj cai Hloov Kho Xub Thawj txhawm rau duav roos kev ua ub ua no ntawm zej toom, uas suav nrog txoj cai sau tseg daim vis dis aus los sis yeeb yaj kiab, kev thaj pom kiag ntseg muag tam sim, duab, los sis kev siv lwm cov mis diam.

1. Mis dia yuav tsis txwv rau cheeb tsam uas tau txheeb xyuas, thiab yuav tau txais kev tso cai los soj saib thiab yuav tau txais kev tso cai nkag mus tas li txaus txhawm rau saib qhov xwm txheej muaj neeg coob thiab tej cov kev ntes. Tej zaum tus thawj coj saib xyuas hauj lwm nyob rau hauv qhov chaw uas muaj xwm txheej los sis Tus Thawj Coj Saib Xyuas Qhov Xwm Txheej yuav txheeb xyuas cheeb tsam uas tej zaum mis dias tau xaiv los sib sau nyob ua ke.
2. Cov tub ceev xwm yuav tsis ntes cov tswv cuab ntawm mis dias tshwj tsis yog lawv muaj kev cuam tshuam rau kev rau siab fab kev cai lij choj uas yuav khiav mus ntawm cov neeg coob, los sis rau siab ntes cov neeg koom nrog, los sis muaj kev koom tes nrog kev ub ua no uas txhaum cai.
3. Mis diam yuav tsis muaj lub hom phiaj rau kev nqis tes khiav mus los sis yuam cai vim yog lawv qib mis diam.
4. Tab txawm tias muaj lus txib kom khiav mus los xij, mis diam uas tau teeb tseg meej tseeb tias yuav tau txais kev tso cai ua lawv cov luag hauj lwm tshwj tsis yog lawv tuaj muaj feem cuam tshuam nrog qhov kev nqis tes yuam siv yam uas tsis raug

I. Cov neeg soj saib raws cai

1. Cov neeg soj saib raws cai, uas suav nrog Cov neeg soj saib raws cai uas tau txheeb xyuas tus kheej thiab cov neeg kuaj xyuas qhov muaj neeg coob uas tsis muaj kev koom tes, tsis muaj tib qib zoo ib yam li mis diam, thiab nce rau cov cai lij choj thiab cov lus txib zoo ib yam li lwm tus neeg los sis pej xeem.
2. Cov neeg soj saib thiab Cov neeg soj saib raws cai yuav tsum ua raws txhua cov lus txib kev khiav mus tshwj tsis yog tus thawj coj saib xyuas hauj lwm nyob rau hauv qhov chaw muaj xwm txheej los sis Tus Thawj Coj Saib Xyuas Qhov Xwm Txheej xaiv uas yuav tso

cai rau cov neeg soj saib thiab cov neeg kuaj xyuas fab kev cai lij choj uas tau hais los ntawd tseem nyob rau hauv cheeb tsam tom qab qhov lus txib khiav mus.

3. Cov neeg soj saib raws cai thiab cov neeg kuaj xyuas qhov muaj neeg coob yuav tsis muaj hom phiaj rau qhov kev nqis tes khiav mus los sis yuam siv vim yog lawv qib.

J. Cov Ntaub Ntawv Ntawm Kev Ub Ua No Ntawm Kev Sib Sau Nyob Ua Ke Ntawm Zej Tsoom thiab Kev Hloov Kho Xub Thawj

1. Kev ua ub ua no txog kev sib sau nyob ua ke ntawm zej tsoom thiab kev hloov kho xub thawj yuav tsis muab sau tseg ua duab, tshwj tsis yog nyob rau hauv cov xwm txheej txuas mus no:
 - a. Cov ntaub ntawv ntawm qhov xwm txheej rau cov hom phiaj kev nug,
 - b. Cov ntaub ntawv uas tsim cov ntaub ntawv ua sau tseg ua duab rau cov hom phiaj kev lis hauj lwm rau pej xeem li kev tsis txaus siab los sis cov kev cov nyom fab kev cai lij choj (uas suav nrog kev qhib siv BWC los sis MVR uas tsim nyog raws li P&P 4-223 thiab P&P 4-218), los sis
 - c. Kev tsim cov ntaub ntawv ua duab rau cov hom phiaj kev cob qhia.
 - d. Thaum tau txais kev tso cai nyob rau hauv Txoj Cai MN tshooj 626.19 Subd. 4 ntsig txog kev siv UAV.
2. Cov ntaub ntawv vis dis aus thiab duab uas tau txais kev tso cai yuav ua tiav nyob rau hauv tus yam ntxwv uas txo kev cuam tshuam nrog cov neeg uas koom nrog raug raws cai lij choj nyob rau hauv cov kev ua ub ua no txog Kev Hloov Kho Xub Thawj.
3. Kev thajj vis dis aus thiab kev thajj duab ntawm cov kev ua ub ua no txog Kev Hloov Kho Xub Thawj yuav tshwm sim thaum tau txais kev tso cai los ntawm tus thawj coj saib xyuas hauj lwm nyob rau hauv qhov chaw muaj xwm txheej los sis Tus Thawj Coj Saib Xyuas Qhov Xwm Txheej.
4. Tsis tsim nyog yuav txiav tawm cov neeg rau kev thajj duab los sis kev sau tseg vim yog lawv muaj thooj li cov thawj coj, cov teeb tsa, los sis cov neeg hais lus.
5. Tshwj tsis yog tau muaj qhov pov thawj kev ua ub ua no txog kev ua phem, cov vis dis aus thiab cov duab ntawm kev tawm tsam nom tswv yuav tsis raug nthuav tawm rau lwm cov chaw sawv cev ntawm nom tswv, uas suav nrog cov chaw sawv cev yuam siv kev cai lij choj ntawm tsoom fwv, xeev, thiab hauv zos. Yog tias tau nthuav tawm los sis tau faib tawm cov vis dis aus los sis cov duab nrog lwm lub chaw sawv cev yuam siv kev cai lij choj, ces tsim nyog tsim thiab ceev daim ntawv sau tseg uas qhia hnub tim thiab tus tau txais cov ntaub ntawv.
6. Yog tias tsis muaj kev foob fab kev ua txhaum uas tseem tos uas tshwm sim los ntawm kev tawm tsam nom tswv los sis yog tias kev sau tseg daim vis dis aus los sis kev thajj

duab tsis cuam tshuam rau Cov Hauj Lwm Sab Hauv los sis kev tshawb xyuas kev tsis txaus siab ntawm pej xeem los sis cov kev hais plaub ntug los sis kev foob ntawm pej xeem uas tshwm sim los ntawm koj ua ntawm tus tub ceev xwm thaum kev tawm tsam nom tswv, kev sau tseg vis dis aus thiab duab yuav raug rhuav tshem raws li cov cai MPD, Cov Lus Qhia Kev Ceev Hauv Nroog thiab Xeev txoj cai lij choj.

7. Txoj cai no yuav tsis txwv cov neeg ua hauj lwm los ntawm kev siv cov vis dis aus los sis daim duab no los ntawm cov vis dis aus uas tau hais los ntawd ua ib feem ntawm cov ntaub ntawv kev cob qhia rau cov tub ceev xwm nyob rau hauv kev tswj kom cov neeg coob txhob nyob ua ke thiab cov tev niv thiab cov txheej txheem kev ua kom cov neeg coob khiav mus.

K. Kev Cob Qhia

1. Kev cob qhia xub thawj thiab yam tsis tu ncuu
 - a. Txhua cov tub ceev xwm tsim nyog tau txais kev cob qhia ib xyoo ib zaug hais txog kev lis hauj lwm uas phim rau kev tswj kom txhob neeg coob txhob nyob ua ke thiab kev tswj qhov muaj neeg coob.
 - b. Txhua cov tub ceev xwm tau muab cob rau lub chaw tshwj xeeb uas lis hauj lwm rau cov xwm txheej kev tswj cov kom neeg coob txhob nyob ua ke tsim nyog tau txais kev cob qhia ntxiv hais txog cov kev lis hauj lwm uas phim rau kev tswj kom neeg coob txhob nyob ua ke thiab kev tswj qhov muaj neeg coob, dhau ntawm kev cob qhia thoob plaws hauv lub tuam tsev hauj lwm ib xyoos ib zaug.
2. Kev cob qhia sib koom

Kev cob qhia sib koom tsim nyog tau ua nrog txhua cov chaw sawv cev uas cuam tshuam nyob rau hauv cov kev ua ub ua no txog kev tswj qhov muaj neeg coob.
3. Cov phom tua 40mm uas muaj kev phom sij rau txoj sia tsawg thiab kev cob qhia siv mos txwv
 - a. MPD yuav ua kom ntseeg tias cov tub ceev xwm uas yuav siv cov phom los sis cov mos txwv tau txais kev cob qhia los sis kawm tiav lawm thiab muaj ntawv tso cai raws qhov siv tau, qhov zoo tshaj plaws ua ntej yuav muaj xwm txheej tshwm sim.
 - b. Kev cob qhia yuav piav qhia cov cai kev koom tes siv cov mos txwv, uas suav nrog kev tshab xyuas cov tshooj cai tub ceev xwm kev siv dag zog uas phim.